

西域圖志



西域圖志



欽定皇輿西域圖志卷之一目錄

圖考一

皇輿全圖

西域全圖

安西南路圖

安西北路圖一

安西北路圖二

天山北路圖一

天山北路圖二

天山北路圖三

天山南路圖一

天山南路圖二

天山南路圖三

天山南路圖四

天山南路圖五

天山南路圖六

欽定皇輿西域圖志卷之一

御製題輿地圖

括地多年仰

聖猷

輿地圖自康熙年間皇祖命人乘傳詣各部詳詢精繪而後定或有不

博訪而載之既成鑄以銅版垂諸永久覈真今復逮渠搜上年平定準

部悉入版章因命都御史何國宗率西洋人由西北兩路分道至各鄂托克測量星度占候節氣詳詢其

山川險易道里遠近繪圖一如舊制閱誇敢類參軍註阨塞應同主吏

收益切觀光周誥凜匪關鑿空上聲漢臣求宇安歲美

吾恒願望蜀寧當意更留

御製再題輿地圖疊前韻

敢云擴宇葳

前猷偃伯從茲罷勦搜厄魯馬牛無一牧筠冲屯堡並

全收

乾隆乙亥平定準噶爾各部既命何國宗等分道測量載入輿圖己卯諸回部悉隸版籍復遣

明安圖等前往按地以次釐定上占本朝文軌期同

奉昧谷寒暄重

去聲

細求無外皇清王道坦披圖奕葉

慎貽留

欽定皇輿西域圖志卷之一

圖考

臣等謹按周禮。職方大司徒。土訓諸職。並掌土地之圖。然核其疆域廣輪。與夫墳衍邱陵藪澤之所隸。率不出中區九畿而止。我

聖朝撫有方夏。丕基式闢。旣哀直省郡邑之記爲一統志。備列輿圖。麟麟炳炳。載在冊府。官司掌之。維西域古稱絕徼。史籍荒邈。好博者不過臚舉人物怪異以爲侈譚。無裨實用。洪惟

聖祖仁皇帝軫情邊計。遣使諮訪。已繪有全圖。勒諸銅版。我

皇上纘承

前烈。宏啟新疆。準噶爾部回部。並入版章。分

命臣工。乘傳履勘。方輿晷度。並得諸目擊身親。遠近翔實。訂證舊圖。務俾無苗髮爽。進

御之日。

宸章寵冠。自此冰天火州。與腹地川原。同登指掌矣。茲輯圖志。用尺幅爲縮本。復據駐防大吏。各就

所轄。分繪互勘。形勢倍顯。總圖所未能晰者。重
以分圖。圖所未能賅者。系以帖說。而山川端委。
則務規全局。源流脈絡。灼然可尋。藩屬疆索。亦
列簡中。用昭環拱之盛。至於由今溯昔。累朝沿
革之迹。約以漢書爲綱領。本其道里方位。旁叅
道元水經。循環鬪筭。取證新圖。合猶符節。晉魏
以下。雖詳畧互異。而次第可推。庶於縱橫上下
間。得印合古今。較如聚米。且見

聖代幅員之廣。幪覆無外。實邁越萬古云。志圖考第


皇


極

全

圖

皇輿全圖





皇輿全圖說

中華當大地之東北。西域則中華之西北。爲大地直北境也。自嘉峪關西迄準部回部。外列藩部。圓廣二萬餘里。其疆圉之濶遠。幾與中土埒。自古英君誼辟。聲教有所不通。有時力征經營。而羈縻服屬。卒未聞有混而一之者。厥故安在。蓋以德之所覆。有其及之。必有遺也。量之所包。有其舉之。必有失也。其德與量之弱者。卽一中華而離爲十二。合爲六七。三分之國。南北之朝。

猶不足以囊括而包舉。必俟諸數十年。或數百年而後見大一統之盛。況其大焉者乎。若夫德足以充六宇。而六宇不足以究其德。量足以配八極。而八極不足以殫其量。則舉從古帝王經營不及之區域。亦將全畀之以副德與量之所歸。其事雖創。而其理則常也。我

皇上神靈天亶。舉堯舜禹湯文武之所以爲君者。集其大成。以宰制寓內。夫固清和咸理矣。而無窮之德量。猶恢恢乎有餘地焉。於是乎

帝心攸眷。

乾觀彌隆。用創鴻規以翊我

聖人未有之奇功於前古。後今之際。而後中土之與
西域。始合爲一家。撫斯圖者。當凜然於千秋功
烈之駿。惟我

皇之德與量。有以致之。此固以堯舜禹湯文武之爲
君。而不能得於中天之世者也。